


Чағыннас паза чылыс числительнайлар

Числительнайларның пөліктері



Чағыннас числительнайлар

Чағыннас числительнайлар нима-нооның санын, көні адабин, чағынни ла көзітчелер. Олар *нинчече?* сурыға нандырчалар паза сан числительнайларның өөнине мындаг хозымнар хозылып, пүтчелер:

-ча, -че — туных согласнайға тоозылчатхан өөннерге хозылчалар: *төрт - төртче, отыс - отысча*.

-ча, -че — гласнайларға паза үнниг согласнайларға тоозылчатхан өөннерге хозылчалар: *он - онча, иліг - илігче*.

Предметтерниң саны чағынни пасха даа ондайларнаң таныхталча:

а) ікі сан числительнайы, хости турып, пірсі асхынах, ікінчізі ин көп санын көзітчелер:

- *отыс-отыс пис* алай *отысча, отыс писче*,

- *пис-алты килограмм*,

- *пір чүс чибіргі-пір чүс иліг процент*.

б) пирілгі падежтегі сан числительнайлар **чагын, артиинаң, хыза** послелогтарнаң хада: *Хырыхха чагын кізі паргабыс. Алтон часха чагдап//чагыннап парир. Прайзы чиит кізі артиинаң полган*.

Чағыннас числительнайлар чоохтагда, өөнінде, чарытхы паза сказуемай полып турчалар. Чағыннас числительнайлар чарытхы полып турчатса, хозым числительнайға алай чарыдылчатхан дее сөзіне хозылча. Көзидімнер:

Мин анда онча күн полгам.

Мин анда он күнче полгам.

Чыылыс числительнайлар

Нинче-нинче предметтің чыындызын пірге алып көзітчеткен числительнайлар **чыылыс числительнайлар** тіп адалчалар.

Чыылыс числительнайлар **нинчөлең?** тіп сурыға нандырчалар. Олар сан числительнайларынаң **-олаң, -өлең** хозымнар пользиинаң пүтчелер: *алто+лаң, пиз+өлең*. Пу хозым хозылчатса, гласнайға тоозылчатхан сан числительнайның халғанчы гласнайы түс парча: *ікі — ікөлең, читі -читөлең, алты — алтолаң*.

Чыылыс числительнайлар өөнінде ікіден сығара онға читіре сан числительнайларынаң на пүтчелер.

Пір числительнайдаң чыылыс числительнай пүтпинче. Аның орнына **чалгыс, чалгызан, чалгысхан** сөстер киректелчелер: *чалгыс кізі, палам ибде чалгызаан халған*.

Чыылыс числительнайларның надеж хоостыра хубулызы

А.п. ікөлең	алтолаң
Т.п. ікөлең <u>нің</u>	алтолаң <u>ның</u>
П.п. ікөлеңе	алтолаңа
К.п. ікөлең <u>ні</u>	алтолаң <u>ны</u>
О.п. ікөлең <u>де</u>	алтолаң <u>да</u>
С.п. ікөлең <u>нең</u>	алтолаң <u>наң</u>
Ы.п. ікөлең <u>зер</u>	алтолаң <u>зар</u>
П.п. ікөлең <u>нен</u>	алтолаң <u>наң</u>
Сл. үзөлең <u>неңер</u>	алтолаң <u>наңар</u>
Тң. үзөлеңе	алтолаңа

Чоохтагда чыылыс числительнайлар подлежащай, толдырыг, сказуемай, обстоятельство полчалар: *Төртөлең хыр алтында* (сисп.). *Ікөлеңе азых чидер. Пис үзөлеңміс. Пис төртөлең килдібіс. Ансахты ікөдең алдап, чөптөп, чадап ла тохтадып алгабыс* (В.Коб.).

ИДЕР ТОҒЫСТАР

1. Саннарны пирілген пөліктерге килістіре пас салыңар. Полған на пөліктең пір числительнай таллап алып, оларнаң чоохтағлар пүдіріңер.

Пөліс числительнайлар: 2, 3, 4, 5, 6, 7, 8, 9, 10, 80, 90, 1 000 000.

Чағыннас числительнайлар: 11, 12, 13, 14, 15, 16, 17, 18, 19, 60.

Изертгіс числительнайлар: 20, 30, 5, 4, 40, 12, 15.

2. Төртөлең числительнайны падеж хоостыра хубулдырыңар, падеж хозымнарын сиип салыңар.

3. Таблицаны хығырып, саннарны таблицаа, сөстернең пазып, киріңер.

Сан	Изертгіс	Пөліс	Чағыннас	Чыылыс
8				
19				
70				
907				
5904				

4. Числительнайларны тузазы хоостыра пөліктерге килістіре пазыңар. Кем табырах паза орта идібізер?

а) сан
изертiс
чыылыс
чағыннас
пöліс
унах

а) чибiргi алтынчы, үзiнчi
б) iкi үстiг, пiр пистiг
в) алты муң чибiргi үс, пис
г) үзöлең, алтолаң
д) чүсче, алтыча
е) үзер, пизер

б) сан
изертiс
чыылыс
пöліс
чағыннас
унах

а) тоғызолоң, пизöлең
б) хырыхча, пiр чүс сигiзонча
в) үзер, сигiзер
г) үс алтылығ, пiр сигiстiг
д) чибiргi читi, iкi муң читi
е) отыс пизiнчi, пастағы

5. Пирiлген хозымнар хайдаг числительнайлар пүдiрчелер? Оларны аданар паза көзiдiмнер пазынар.

1. -ынчы, -iнчi, -нчы, -нчi:
2. -ар, -ер, -лар, -лер:
3. -олаң, -öлең:
4. -ча, -че, -ча,-че:

6. Тексттi хығырыңар, түрк тiлiне тiлбестеңер. Числительнайларның тузаларын чарыдыңар.

Точылаацах

Точылаацах — чирiбiстiң иң кiчичек хусхацаа. Узуны, хузуриинаң хада синезе, 11 сантиметр, көдiрiмi писче грамм. Аның учазы сарығ көгемзiк, харны ағамзых. Точылаацах тайғада чуртапча, ағастарда нимiстенедiр.





Пу хусхачахтың уйазы иледе улуғ: тоғырхызы 10 сантиметр, пөзии — он писче. Итсе, істі 6 ла сантиметр. Пілдістіг, уйазы аның халын. Точылаачахтың 10 нымырха поладыр, пірее чыл ол ікілер хати уйа пасча. От пидін чіп, пу хусхахах тігеннерге паза сыбыларға улуғ туза ағылча. (А. Кильчичаков)



ЛИТЕРАТУРА

1. Боргояков В.А., Медведева М.А., Кызласова И.Л., Чебодева Л.А. Хакас тілі. Морфология (Пос алынча чоох чардыхтары): үгредіг пособиезі/ В. А.

- Боргояков, М. А. Медведева и др. – Ағбан: Н. Ф. Катановтың адынаң хакас хазна университетінің издательствозы, 2018.
2. Грамматика хакасского языка [Текст] / Под ред. Баскакова Н.А. – М.: Наука, 1975.
 3. Сравнительно-историческая грамматика тюркских языков. Лексика [Текст]. – М., 2001. – С. 692-693.
 4. Хакас тілі. Морфология [Текст] / 021700.02 Филология (Хакас тілі паза литература) специальностьча үгренчеткен студенттерге үгредіг пособие / филнд Карповтың В.Г. редакциязынаң – Ағбан: Н.Ф. Катановтың адынаң Хакас хазна университетінің издательствозы, 2004. – С. 38-45.
 5. Этимологический словарь тюркских языков. Общетюркские и межтюркские основы на буквы «Ж», «Й» [Текст]. – М., 1989. – 202 с.
 6. Этимологический словарь тюркских языков. Общетюркские и межтюркские основы на буквы «К» [Текст]. – М., 2000. – 235 с.